

20 Hámark heimtaugargjaldsins fari þó ekki fram yfir kr. 5000.00, að viðbættu 26. febr. grunngjaldi.

Gjaldskrárbreyting þessi staðfestist hér með samkvæmt vatnalögum nr. 15 20. júní 1923 og raforkulögum nr. 12 2. apríl 1946, til þess að öðlast gildi 1. marz 1959, og birtist til eftirbreytni öllum, sem hlut eiga að máli. Jafnframt fellur úr gildi auglýsing um sama efni, nr. 88 25. maí 1957.

Atvinnumálaráðuneytið, 26. febrúar 1959.

Emil Jónsson.

Þorv. K. Þorsteinsson.

21

28. febr.

AUGLÝSING

um breytingu á gjaldskrá fyrir Rafmagnsveitu Reykjavíkur, nr. 94 12. júlí 1958.

I. kafli gjaldskrárinnar orðist svo:

I. RAFORKA

Rafmagnsveita Reykjavíkur selur raforku á þann hátt og við því verði, sem hér segir:

A. Lýsing.

Þar, sem raforkan er aðallega notuð til lýsingar, skal hún seld:

1. Um kwst.mæli á 285 aura hver kwst.
2. Um hemil eða hemil-mæli á 360 kr. hvert árshektóvatt, og skal hemilstillingin ávallt standa á heilu hw. og bil milli tveggja stillinga eigi vera minna en 10% hinnar hærri. Umframnotkun skal seld samkv. gjaldskrárlið A.1.
Samkvæmt þessum lið má selja útiljós, enda þótt mælitækjum verði ekki við komið.
3. Um kwst.mæli á 72 aura hver kwst., auk fastagjalds, er nemi 360 kr. á ári fyrir allt að 25 m² gólfflatarmáls í rúmi því, er lýsa skal, og 11 kr. fyrir hvern m² umfram 25 m². Fullt flatargjald skal greiða af gólfleti í búðum, vinnustofum og skrifstofum, en fyrir geymslur og ganga skal deila fermetragjaldinu með 3.5.
4. Á 282 kr. fyrir hvert kw. og öll notkunin á 72 aura kwst., ef um meir en 2.5 kw. afl er að ræða, og notkunartíminn er meiri en 600 klst. á ári. Verði ekki aflmælingu við komið undir þessum gjaldskrárlið, skal reikna 15 wött á hvern fermetra gólfplatar.

B. Rafmagn til almennrar heimilisnotkunar.

1. Um tvönnu kwstmæla, annan til ljósa, en hinn til heimilisvéla. Um ljósmælinn reiknast ljósagjald samkv. A.1, á hinn mælinn 72 aurar á kwst. Þennan gjaldskrárlið má einnig nota fyrir skrifstofur, verzlanir og verkstæði, en þó ekki fyrir 3-fasa hreyfla.
2. Um einn kwst.mæli á 64 aura hver kwst., og auk þess fastagjald, 60 kr. á ári, af hverju íbúðarherbergi heimilisins.

Eftir þessum gjaldskrárlið má selja rafmagn til suðu til veitingahúsa, gisti-húsa og annarra slíkra staða, sem ekki verða talin heimili, enda sé þá rafmagnið selt um sérmæli og leiga goldin af sérmælinum, en herbergjagjald ekki reiknað.

Selja má og til súgburrrkunar á heyi samkvæmt þessum gjaldskrárlið. **21**

3. Um hemilmæla 2175 kr. hvert árskw. og auk þess 60 aura á kwst. fyrir umframnotkun. Hemilstillingin skal vera minnst 500 wött, að viðbættum 100 wöttum fyrir hvert íbúðarherbergi fram yfir tvö. **28. febr.**

Þennan gjaldskrárlið, B.3, má einnig nota fyrir skrifstofur, verzlánir og verkstæði, þó eigi fyrir 3-fasa hreyfla, og skal þá miða stillingu hemilsins við 500 wött fyrir fyrstu 25 m² gólfplatara eða minna, og síðan 100 wött fyrir hverja 12 m² eða minna, og skal reiknaður út eftir sömu reglum og settar eru fyrir gjaldskrárlið A.3.

Reglur um útreikning herbergja.

Í útreikningi á fjölda herbergja í íbúð skal aðeins telja stofur og svefnherbergi o. þ. h., en ekki eldhús. Herbergi minna en 5 m² skal telja sem hálf, en stærra en 25 m² sem tvö. Þar sem meðalstærð herbergja í íbúð er minni en 10 m², má reikna með þeirri meðalstærð. Þegar heildartala herbergja hefur verið reiknuð út samkvæmt þessu, skal hún hækkuð upp í heila næstu tölu, ef stendur á hálfu.

C. Vélar.

Þar sem raforka er notuð til vélareksturs, skal hún seld:

1. Um kwst.mæli á 128 aura hver kwst. Hafi vélarnar mjög stuttan notkunartíma á árinu, má krefjast minnsta árgjalds frá 240 til 285 kr. á hvert uppsett kw. vélanna.

Sé um meira en 5 kw.-afl að ræða og notkunartíminn meiri en 500 klst., má veita afslátt af þeirri notkun og reikna gjaldið þannig:

50000 kwst. á 84 aura hver kwst. og notkunin umfram það á 62 aura hver kwst.

2. Um mestu-mæla fyrir mesta notað afl, ef um meira en 5 kw. er að ræða og notkunin meiri en 500 klst. á árinu, þannig:

385 kr. á árskw. fyrir fyrstu	50 kw.
320 — — — — næstu	50 —
256 — — — — umfram	100 —

Auk þess skal greiða kwst.gjald, er reiknast þannig:

Fyrstu	200000 kwst. ársnotkun á 20 aura hver kwst.
Umfram	200000 — — — 15 — — —

3. Um hemilmæla á 1400 kr. árskw. og 72 aura á kwst. öll umframnotkun. Rafmagnsstjóri ákveður stillingu hemilmælisins í hvert skipti í hlutfalli við vélaaflið. Þenna gjaldskrárlið má einnig nota til hitunar í iðnaði.

D. Hitun.

1. Um kwst.mæli á 30 aura á kwst., enda sé þá minnsta notkun 10000 kwst. á ári.
2. Um kwst.mæli á 25 aura á kwst., ef straumur er rofinn með klukkurofa frá kl. 10.45 til 12.00 og frá kl. 18.30 til 19.45. Sameina má þennan gjaldskrárlið B.2. enda skal þá talið á B.2.-lið 1500 kwst. notkun fyrir eins herbergja íbúðir og 600 kwst. að auki fyrir hvert herbergi, sem þar er fram yfir, allt að 3900 kwst. á ári. Selja má rafmagn samkvæmt þessum gjaldskrárlið og þá án klukkurofa, þar sem umframnotkun fer til neytluvatnshitunar, stærri kæliklefa og á vatnsdælur til heimilisþarfa.
3. Um kwst.mæli á 18 aura á kwst., ef straumurinn er rofinn með klukkurofa frá kl. 10 til 12 og 2 klst. á tímanum frá kl. 17 til 21.

- 21** 4. Um kwst.mæli á 11 aura á kwst., ef straumurinn er rofinn með klukkurofa frá kl. 8 til 23, enda sé nægilega stórir hitageymar settir upp fyrir dagnotkunina. Þegar um er að ræða hitun á húsrúmi, sem er yfir 2000 m³ að stærð, eða aðra hliðstæða notkun á afli, er heimilt að láta í té straum á tímanum 12.30 til 15.30, ef þörf gerist.
28. febr. 5. Um tvígjaldsmæla á 15 aura kwst. frá kl. 23 til 8, og 64 aura hver kwst. frá kl. 8 til 23.

Selja má raforku samkvæmt þessum lið til véla, ef um meira en 5 kw. afl er að ræða og notkunartíminn meiri en 500 klst. á ári, enda sé straumur rofinn af lögninni með klukkurofa frá kl. 10.45 til kl. 12.

Skilyrði fyrir raforkusölu til hitunar.

- Að vélaafl, götulinur og spennar þoli álagið að dómi rafmagnsstjóra.
- Að notandi kosti tengingu klukkurofa og greiði leigu fyrir hann samkvæmt reglum, sem gilda um leigu mæla.
- Að hitalagnir, þar með talin öll tæki, séu gerð samkvæmt fyrirmælum Rafmagnsveitunnar, ofnar fasttengdir með sérstökum rofum og hitastillar notaðir.

E.

Þegar sérstaklega stendur á, má rafmagnsstjóri selja raforku eftir sérstökum samningi, er þó gildi eigi lengur en til eins árs í senn, nema til komi samþykki bæjarráðs.

F.

Gjald fyrir götu- og hafnarlýsingu ákveður bæjarstjórn eftir tillögum bæjarráðs.

G.

Fyrir hver full 5%, sem kaupgjald hjá Rafmagnsveitu Reykjavíkur hækkar eða lækkar, hvort heldur er sökum breytinga á kaupgjaldsvisitölu eftir 1. marz 1959 eða grunnkaupi, er heimilt að hækka eða lækka raforkureikninga Rafmagnsveitunnar um 4%. Telji bæjarstjórn Reykjavíkur nauðsyn á, að ráðstafanir séu gerðar til að draga úr rafmagnsnotkun, er henni m. a. heimilt að hækka rafmagnsverðið á notkun umfram meðalnotkun í hverjum gjaldskrárlíð allt að 10-földu verði. Í útreikningi meðalnotkunar skal tekið tillit til orku- og aflþarfar.

Gjaldskrárbreyting þessi, sem bæjarstjórn Reykjavíkur hefur samþykkt, staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Atvinnumálaráðuneytið, 28. febrúar 1959.

Emil Jónsson.

Þorv. K. Þorsteinsson.